

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Commentatio Academica De Recta Theologiae Parabolicae
& Allegoricae Conformatione**

**Pfaff, Christoph Matthaeus
Christlieb, Wilhelm Bernhard
Rühle, Christian Andreas**

Tubingae, 1729

CAPUT PRIMUM

[urn:nbn:de:bsz:31-41906](#)



ANTECESSIO.



Ost editas duas de rectâ Theologiæ typicæ & propheticæ conformatio-
ne commentationes justum est & æ-
quum , imò ipsa poscit argumenti
ratio , ut & de rectâ Theologiæ pa-
rabolicæ & allegoricæ conformatio-
ne agamus , coeptum sic filum ad
finem perducturi . Quod dum facimus , & heic Deum
rogamus , ut adjutorio suo clemens nobis adsistat !

CAPUT PRIMUM DE RECTA THEOLOGIÆ PARABOLICÆ CONFORMATIONE.

§. I.

Parabola , à Græco παραβόλη , quod inter alia &
conferre , comparare est , est collatio sive comparatio
vi vocis (a) . Locutionem obscuram cum acumine
conjunctam denotat vox Matth . XV . 15 . Prover-
bium , adagium , apophthegma alibi significat Luc .
IV . 23 . V . 36 . VI . 32 . monitum morale Luc . XIV . 7 .
A simi-

similitudinem quoque & figuram Luc. XXI. 29. Hebr. IX. 9. XI. 19. in quo posteriore loco & *typum* significare posset (b). Communiter vero parabola in tabulis N. T. dicit historiam, sed verisimilem, eo fine confitam, ut altius & spirituale. quid sub isto velo significetur (c). Idem est παρομία Joh. X. 6. alias locutio paulo obscurior & figurata Joh. XVI. 25. & proverbium 2. Pet. II. 22. Ebraicæ voces, quæ hoc ex V. T. pertinent, sunt ἡμ̄, ητο, ηγίατο, de quibus heic non est dicendi locus (d).

(a) Confer Jo. Vorstii Philol. sacram P. 1. C. 4. p. 135. sqq. & J. G. Neumannii diss. de Parabolâ, quæ est in primitiis diss. Acad. numero decima, mox sub initium.

(b) Dicitur hic Abrahamus filium Isaacum, cuius immolationem Angelus impiderat, εν παρομίᾳ recepisse. Ubi ut plurimum interpres vertunt, in figurâ, in typo, sive Christi ex mortuis resuscitandi, sive & fidelium olim resuscitandorum, vel ad similitudinem plurium in V. & N. T. jam resuscitatorum. Lamb. Bos in exercit. ad N. T. p. 247. putat, εν παρομίᾳ idem esse ac quasi ē mortuis. G. Raphelius existimat, idem hoc esse ac παρομίως insperatō apud Polybium in annot. in N. T. ex Polybio & Arriano p. 676. sq. Sed cl. Hombergk zu Vach in parergis sacris ad h. l. putat εν παρομίᾳ idem esse ac in presentissimo periculo. Hinc apud veteres Parabolani illi dicti, qui peste gracilante agrorum servitio se se addicebant vel speluncari contra bestias pugnabant vel perarato per ignem transfilire non detrectabant. Imò & Christiani olim subinde ita dicti, quod confessione Christi maximis periculis & cruciatis audacissime se se exponerent. Vide Saldeni otia Theologica L. 4. exerc. 5. §. 3. & Neumannii diss. cit. §. 6. p. 420. 421.

(c) Confer Neumannii diss. citatam §. 5. p. 419. §. 7. p. 421. 422. Hujus hæc definitio est. Parabolam dicimus figuratum verisimile, protas & apodosis constans, quo Orientales potissimum Doctores, proposita actionum humana- rum non ludicra imagine doctrinam recondebant, ut sublimiora caperentur facilius torpentesque & rudes animi quādam docendi voluptate permulcerentur. Adde Teelmannum in comm. ad Luc. XVI. p. 73. sqq.

(d) Vide Glaishi Philol. sacram L. 2. tr. 2. sect. 5. art. 1. §. 3. & Camp. Virim- gæ Vorberitung über die Evangelischen Parabolen §. 10.

§. 2.

Differit itaque parabola ab historia, à simili vel exemplo, ab apolo- go, ab ænigmate, à fabulâ, à proverbio, ab allegoriâ, à poëmate & eclo- gâ, ab emblemate, à signo, à symbolo, à typo, à prophetiâ. Historia est

est rei verè gestæ narratio. Simile strictè sic dictum protas & apodosis caret, vel saltem totam quandam historiam quasi gestam haud involvit. Exemplum non fictum sed verum esse debet (a). Apologus fictio est, quâ brutis vel rebus inanimatis actiones rationales tribuuntur, altius quid significandi ergo (b). Ænigma est sermo generalis, obscurus, cum acumine dicendi conjunctus, imò & subinde ~~enarratio~~, speciale quid, haud facile divinandum, nullâ prorsus explicatio adpositâ, innuens (c). Fabula pressè sumta est fictio & narratio vana, scenica & dramatica, itidem haud verisimilis, ad ludicrum & vanum dicendi genus pertinens (d), ad quod fabulæ maximè Romanenses spectant (e). Proverbium est insignis sed brevis sententia, ~~enarratio~~ & gravis, acumen etiam quoddam secum ferens, celebrata in vulgus, notabile quid insinuans (f). Allegoria eaque Biblica est rei alicujus mysticæ seu spiritualis per aliam in Scripturis sacris narratam eamque haud fictam repræsentatio (g). Poëma uti & Ecloga ligatum dicendi fingendique genus est, parabola prosaicum (h). Emblema non est fictio rei cuiusdam tanquam gestæ sed imago à rebus naturalibus petita ad altius quid significandum. Signum non semper rem repræsentat sed subinde indicat saltem, nec fictio rei tanquam gestæ est, uti nec symbolum (i). Typus est rei alicujus, vel historiæ, vel personæ V. T. haud fictæ figura ex instituto divino rem aliquam, maximè N. T. præfigurans (k). Prophetia denique futurorum prædictio est, quæ per parabolam subinde fieri quoque potest, et si hæc ad illam haud requiratur (l).

(a) Ait exemplorum duo genera esse, vera alia, alia falsa & ficta ait Aug. Buchnerus de commutatâ ratione dicendi p. 557. sqq. qui itidem p. 559. ad exempla quasi vera parolas refert, contradicente tamen Neumanno in diss. de parabolâ §. 7. in primitiis diss. acad. p. 423.

(b) Tales apologi habentur Jud. IX. 8. sqq. 2. Reg. XIV. 9. sqq. Parolas cum apologis confundit cl. Mosheimus in diss. de patrefamilias & operartis in vincâ.

(c) Ait in parabolâ additur explicatio, vel facile saltem ex circumstantiis & contextu divinari potest. Vide Daninhaverum in ideâ boni interpretis & malitiosi sophistæ p. 219. sqq. & Neumannum l. c. §. 10. p. 428. sqq. Exemplum ænigmatis habetur Jud. IX. et si Vossius L. 4. instit. Orat. C. 1 L. ænigma illud haud existimet, cùm id, quod ænigmate alijs significatur,

debeat esse res nota. Sed de xenigmate confer Glassium in Philol. sacrâ L. 5.
tr. 1. C. 22.

- (d) Plurimum itaque hallucinantur, qui parabolas eodem passu cum fabulis ambulare putant. Ita olim Erasmus, quem Salmero castigavit, ita deinceps H. Grotius, qui nomina *fabulae*, *fable* & *affabulationis* non tantum applicavit ad Matth. XIII. 3. 44. 49. Marc. IV. 14. &c. & L. II. de Jure belli & pacis C. 20. §. 48. sed & *fabularum ambages* Christo adscriptis, per quas aliqua mendaci species defendi queat L. 3. C. 1. §. 9. reprehensus ea propter à Cloppenburgio in exercit. Theol. Loco I. disp. 1. & in disp. 1. de Canone, & à J. A. Osiandro in Grotium de J. B. & P. p. 1179. ita & Guilielmo Saldenus in otii Theologicis L. 4. exerc. 3. de parabolis Evangelicis §. 4. p. 695. qui capropter vapulat Marckio in Sylloge diss. ad selectos textus N. T. diss. 4. §. 4. p. 114. 115. Scilicet & ab apoloogo & à fabula differt parabola, quod hæc fingit id, quod verisimile est, apologus & fabula verisimilitudinis rationem haud habent. Etenim in parabolâ nulla habentur *adivale*, sed Horatio judice in arte poetica,

sicut voluptatis causa sunt proxima veris.

Confer eundem Neumannum l. c. §. 8. 9. p. 424. sqq.

- (e) Profanum hæc dicendi genus involvunt, quod fictionem ultra, quam pars est, continuat & in amatoriis maximè casibus fingendis versatur, ad vanitatem maximè declinans, nimirum fabulis & fuis dictio[n]is legentis attentionem fallens, et si & sint, quæ utilitatem quandam ferre secum videantur, uti Fenelonii *avantures de Telemaque*, incio tamen auctore ab ipsis cubiculario primum editæ, egregiis observationibus moralibus anfam subministrantes. Sed confer hic Huerium de fabulis Romanensibus & Neumannum l. c. §. 16. p. 441. 442.

- (f) Adagia N. T. collegere Andreas Schottus, S. J. & Jo. Vorstius. Illius *adagialia sacra* N. T. Antwerpiz A. 1628. edita fasci 111. exercit. Philolog. historicarum n. 5. p. 413. sqq. inseruit Thomas Crenius. Hujus diatribam de adagiis N. T. in syntagma diss. de stylo N. T. p. 471. sqq. exhibuit Jac. Rhenferdius. De proverbiis V. T. addendus est Glassius in Philol. sacrâ L. V. tr. 1. C. 21. maximè vero & Martinus del Rio, Jesuita olim Salmanticensis, cuius extant adagialia sacra Lugduni 1614. 4. edita. Ut vero parabolæ ab adagiis, ita & à γνῶμαις & αποφθέγμασι differunt. Vide G. Calixti Concord. Evang. L. IV. C. 7. p. 183.

- (g) Confer, quæ hanc in rem C. 2. §. 1. 2. dicemus.

- (h) Dissentimus ergo hic ab Aristotele, qui poësin quandam sine metro constituit, ἐποπτίας nomine insignitam. Vide Voßium de art. poët. nat. p. 8. sqq.

- (i) Vide diss. nostram de rectâ Theologî typicâ conformatione p. 8.

- (k) Dantur enim & antitypi in V. T. Vide H. Heisenii diss. de signo Jonæ in Musæo Bremensi Vol. 1. P. 4. §. 15.

- (l) Confer infra §. 12.

§. 3.

Methodum docendi per parabolas familiarem olim fuisse gentibus orientalibus, Syris, Arabibus, Persis, Ægyptiis, imò & Græcis & Romanis dudum observârunt eruditæ (a). Maximè verò illæ & Ju-dæis fuere frequentatæ (b). Hinc Talmud ipsorum aliique libri antiqui ejusmodi *תורה narrationibus scatent* (c). Hinc & ipsæ quoque parabolæ Evangelicæ subinde in Talmude leguntur (d). Ubi quæstio inter eruditos agitatur, num Salvator optimus ex communi docendi ratione tunc frequentatâ desumserit illas, vel potius Judæi ex Evangelii istas suos in usus verterint (e), qui tamen illas aliter subinde recensent & alium in finem adhibent (f).

(a) Vide Carpzovium in introd. in Theol. Jud. C. 8. §. 1. 2. ubi quam maximè citat & exemplum Regina Sabæ Salomonem per ænigmata tentantis 1. Reg. X. 1. Dougtæum in analectis sacris N. T. p. 18. 19. Spanhem. Theol. Op. P. 1. col. 292. Pocockium in portâ Mosis p. 147. 150. Neumannum l. c. §. 12. 13. p. 434. sqq. Camp. Vitrinam in der Vorbereitung über die Evangelische Parabolen §. 11. cum notâ Jo. d' Outrein hujusque Einleitung über die Parabel vom verlohrnen Sohn §. 3. uti & cl. Jungendres in specimine philologico de veterum Gentilium & Judæorum Theologiâ mythicâ.

(b) Vide Hieron. ad Matth. XVIII.

(c) Confer hic proflus J. C. Wolfi Bibliothecam Hebr. P. 2. C. 7. §. 1. sqq. p. 973. sqq. ubi & autores hūc pertinentes citantur.

(d) Ita parabola de femine Matth. XIII. 3. sqq. legitur in Talm. Hieros. Kilaïm C. 1. de operariis in vineâ in Gemarâ Hierosolymitanâ, cod. Brâchos & in Midrasch Kohelet itemque in Tanchuma, de decem virginibus Matth. XXV. 1. sqq. in Gemarâ Babylonica Schâbbas itemque & in Midrasch Kohelet, de servis Dominum ex nuptiis redeuntem expectantibus apud Kimchiuum ad Jes. LXV. 13. 14. de drachmâ perditâ Luc. XV. 8. in Schir hasschirim rabba, & de divite epulone & Lazaro Luc. XVI. 19. sqq. in Gemarâ Babylonica Brâchos, recensentibus loca Julio Conrado Ottone in Gali Rasia L. I. C. 16. quem etfi mala fidei arguit Thomas Bangius in cœlo orientis & prisci mundi exerc. 1. p. 53. ab imposturâ tamen heic absolvit Carpzovius in introd. in Theol. Judaicam C. 8. §. 3. Lightfooto in horis Talmudicis ad Matth. XX. 1. XXV. 2. & in operibus posthumis f. 42. Sheringhamio in præfat. ad cod. Jo-ma, Sauberto in palæstrâ Theologico-philologicâ p. 277. 278. Vorstio in Philol. sacrâ P. 1. C. 4. p. 140. sqq. Cartwrighto in mellificio Hebraico ad Matth. XX. 1. sqq. XXV. 1. sqq. Luc. XV. 8. & Lœfflero in expl. par. de Patre-familias & operariis in vineâ p. 9. 10. Ita & Jac. Altingius ad Deut. XV. refert ex Ebrais parabolam similem illi de œconomio injusto Luc. XVI. Verba refert Jo. d' Outrein in specimine observationum miscellanearum p. 203. sqq.

- (e) Autores huc spectantes allegavit cel. Wolfius l. c. §. 6. p. 978. Paucis addimus, prius affirmasse & Koenigsmannum in prodromo clavis Propheticae p. 55. 196. & in diff. de parabolis Christi propheticis p. 17. & ante ipsum Hammondum ad Matth. XX. 1. atque Saubertum l. c. posterius Carpzovium l. c. §. 3. & in præf. ad Lightfooti horas Talmudicas, itemque Rambachium in instit. Hermenevt. p. 537. 538.
- (f) Egregie hoc observant Basnagius in histoire die Juifs L. 3. Ch. 6. §. 15. p. 179. & Læflerus l. c. p. 9.

§. 4.

Jam verò & character Messiae hic quidam fuit, per parabolas populum docere. Monet hoc Matthæus XIII. 35. dicitque, eapropter hoc docendi genere usum fuisse Christum, ut impleretur id, quod Propheta dixerit: *Aperiā parabolis os meum, investigabo absconditā à fundatione mundi.* Propheta hic Asaphus (a) est & verba cubant Ps. LXXVIII. 2. Sed aīs, in psalmo hoc nullas inveniri parabolas adeoque hanc Matthæi citationem vel huc haud quadrare, vel saltem accommodatitiam esse, cujus generis allegationes & alia in Novo Testamento dentur (b). Itaque vel ea, quæ in hoc Psalmo existant, typicè ad statum populi Israëlitici tempore Christi applicanda sunt (c) vel Christus non solum ejusmodi בְּנֵי יִשְׂרָאֵל & תֹּהֶם qualia Ps. LXXVIII. afferuntur, quæque ad curam Judæorum à Deo olim habitudinam pertinent, sed & alia, quæ nomen hoc adhuc magis tueruntur, vi hujus oraculi suo tempore enarrare debuit (d). Ast, quid hoc est, quod Christus à Matthæo dicitur *sine parabolis nihil ad populum dixisse* comm. 34. cùm tamen simplici & clarâ oratione ad eundem sapientissimè fuerit usus? Nodum hunc tangit Surenhusius (e) aitque, Christum, cùm animadvertisset, Judæos ad simplicem illam doctrinæ propositionem oculos claudere, parabolico deinceps dicendi genere usum, ut elegantiâ & novitate dictioñis percussi sermoni eò magis attenderent. Quæ itaque Matthæus hic profert, ad tempus illud, quo tūm dicebat ad populum Salvator, restringenda sunt.

(a) Vide 1. Chr. XVI. 37. XXVI. 1. 2. Chron. XXIX. 30. Calumniatus olim fuit Porphyrius, Matthæum ex ignorantia scripsisse, Αλέξανδρος Ἡσαΐς, quod deinceps nomen in Ἀσαΐς eapropter mutatum fuerit à Christianis. Ususunque scilicet nomen, notante & Hieronymo, olim in quibusdam codicis-

dicibus exstitit, errore librariorum, qui scholium ad marginem scriptum in textum immiserant. Sed genuina lectio sine dubio illa est, quam hodie universalis codicum consensus comprobat. Velim hic conferri, qua hanc in rem eruditè scriptis ad h. l. Olearius in observ. sacris in Evang. Matthæi p. 408. sqq. Absurdum est, quod ait Whistonius, Judæos effatum illud ex Prophetâ Jesajâ, qui hic citatus à Matthæo juxta antiquos codices fuerit, sustulisse in the essay towards restoring the true text of the Old Testament p. 204. 315. 316. Notamus hic ēv πατέρων, Critobulum illum Hierapolitanum, cuius existant literæ ad Origenem Adamantium, h. e. Rich. Simonem, non ipsum hunc Simonem esse, sed vel Jo. Clericum vel alium, qui literas hasce suffixit libello, cui titulus: defense des sentiments de quelques Theologiens de Hollande sur l' histoire Critique du Vieux Testament contre la réponse du Prieur de Bolleville p. 421. sqq. Id quod notamus contra cel. Wolfsi curas in Matthæum ad h. l.

- (b) Confer hic infra C. 2. §. 1.
- (c) Confer cel. Michaelis ad Ps. LXXVIII. 1. p. 584. & in primis Deusingium in demonstr. alleg. hist. V. T. L. 2. §. 90. sqq. p. 79. sqq.
- (d) Vide hic Jo. Marckii syll. ad sel. textus N. T. exerc. 4. §. 7. p. 120. & cel. Wolfium ad h. l. Quod restat, difficultatem hanc haud retigit Th. Cre-nius, ubi in præfatione fascis III. exercitationum philologico-historicarum effatum hoc datâ operâ explicavit.
- (e) in βίβλῳ κατελαμψίᾳ p. 243.

§. 5.

Et sic jam ad istam quæstionem devolvimur, quā disputatur, cur parabolicā istā docendi methodo usus fuerit Salvator? Mentem nostram jam alibi (a) hanc in rem expressimus, ubi ita scripsimus, factum hoc à Christo, ut non solum ad infirmitatem populi communī huic methodo assuēti condescenderet (b) sed & mysteria regni cœlestis ameno quodam involucro sic tegeret, curiositatem & attentionem hominum sic duplicaret, elegantibus ipsis ἐμβλήμασι doctrinam suam & clariorem redderet, memoriaque auditorum, cui emblematica & parabolica facilis adharent, sic consuleret, imò & futura Ecclesia fata sub isto parabolarum schemate sic subinde depingeret. Alii & hoc addunt, ut œconomie obscuriori V. T. ubi revelatio tamen clara non erat, adhuc tantisper duranti Christus se accommodaret (c), ut & modum docendi Prophetis familiarem servaret & homines crassos à rebus obviis & quas omnes caperent, ad res sublimes, nec intellectas duceret (d). Vide-ri possent hæc non adeò malè posita, nisi subinde in Evangelii dicere-
tur (e), in parabolis ad populum locutum Christum, ut videns ille

non videat & audiens non intelligat, ne forte convertatur & remittantur ipsi peccata, non enim datum esse populo, arcana regni cœlestis nōsse. Alius itaque parabolarum finis videri potuisset apud impios & reprobos ac apud fideles & electos (f). Sed huic dubio jam olim obviavimus. Scilicet populo non datum erat nosse mysteria salutis sine isto involucro parabolico, cœcutientibus ad lucem veritatis simplicis Judæorum propriâ culpâ occœcatorum vel de veritate muneris Messiani, quod gerebat Christus, nondum persuasorum oculis. Discipulis saltem competebat hæc prærogativa, queis præstantior jam affulserat veritatis lux. Nec simpliciter dicitur, parabolas ipsas propositas esse, ut videntes non videant, sed sub tacitâ conditione, nisi sensum parabolarum cum discipulis nōsse desiderarent. Designatur itaque his verbis non finis sed eventus prædicationis parabolicæ, imò & hujus causa, quæ hæc erat, quòd, uti jam dictum, ad propositionem veritatis simplicis tamen converti nollent miseri Judæi. Sic enim fiebat, ut justo Dei judicio veritati clarè propositæ genus dicendi involutum & parabolicum succederet, suâ tamen & nihilominus claritate & amoenitate radians (g) adeoque tūm gratiæ divinæ antecedenti tūm subsequenti judiciariæ suis modis pro variâ quoque auditorum ratione subserviens.

- (a) in vindiciis sanctitatis divinæ p. 24. 25. Adde Saldenum in otii Theol. L. 4. exerc. 3. §. 4. p. 695. 696. Neumannum in diss. de parabolâ §. 18. & Marckium in sylloge diss. ad sel. textus N. T. exerc. 4. §. 5. p. 116. 117.
- (b) Scilicet ita Christus ad populum, innuente Marco, dixit, οὐδὲν ἀπέγινεν Marc. IV. 33. Vide Geamenum de alamoditate scribendi in miscellan. Lips. T. 5. obs. 99. p. 70.
- (c) Ita Witsius in econ. fœd. Dei L. IV. C. 13. p. 619.
- (d) Ita Spanhemius in vindiciis Evangelicis ad Matth. XIII. 11. 13. Opp. Theol. T. III. col. 292.
- (e) Matth. XIII. 10. sqq. Marc. IV. 11. 12. Luc. VIII. 9. 10.
- (f) Vide Marckium l. c. §. 6. p. 117. 118.
- (g) Vide vindicias sanctitatis divinæ p. 25. sqq. & Episcopii instit. Theol. L. 4. C. 13.

§. 6.

Quæstio hic movetur à Josua Placæo, Theologo Salmuriensi, cur Apostoli parabolis haud fuerint usi? Ratio est, quia obscuritas illa reve-

revelationis, quæ in V. T. militabat, non plenè quidem in confinio V. & N. T. cessavit, unde Christus, quemadmodum id prædictum quoque fuit, parabolis usus est, hoc verò mortuo & deinceps in celos sublato, cùm omnis V. T. ratio penitus evanisset, clarissima deinceps revelatio succedere debuit. Nam Iohanne Baptistā, ita Placaeus, extrinsecus tanquam stellā matutinā exorto & Christo tanquam sole iustitia exoriente, quamdiu ipsius infirmitatum & passionum opacitatis intercepiebat radios glorie Dei in ejus facie fulgentes, minuebatur quidem umbrarum obscuritas ob luminis propinquitatē & aliquam revelationem, non tollebatur tamen pro�us, & siebant tūm quoque nova quedam umbra sed ita tenues & exiles, ut vix umbra dici mereantur, quales sunt parabolæ, que nec tām crassæ, &, uti ita dicam, reales sunt, quam umbrae V. T. & plus habent lucis, minus obscuritatis. Proponuntur enim ut parabolæ, typi verò, ut res gestæ. Itaque in typis est sensus literalis obumbrans sensum mysticum, que in parabolis aut nulla omnino est aut non attenditur. Hæc Placaeus (a). Sed num parabolis quoque insit sensus mysticus, infra dicemus.

(a) in diss. 1. de typis, §. 25. Operum T. 1. p. 8.

§. 7.

Duplex est uniuscujusque parabolæ pars, ipsa parabola, & id, quod per illam significatur. Illa *materiale*, hoc *formale* dicitur, illa *πρότασις* est, hæc *ἀπόστολος*, illa *πρεμνύθιον*, hoc *Ἐπιφύθιον*, quod vel expressè ponitur, vel subintelligitur tamen & subinde à lectore supplendum est. Atque hæc explicatio parabolæ vel simplex vel duplex est, simplex quidem, cùm vel ab initio tantum vel in fine adjungitur, duplex, cùm utrinque id fit (a). Aliter paulò Glassius, qui in parabolis *radicem*, *corticem* & *medullam* distinguit. *Radix* est scopus parabolæ, *cortex* parabolæ sensus literalis, *medulla* sensus mysticus (b). Res ferè eodem recedit.

(a) Confer Franc. Gomarum in explic. Matth. XXII. Operum T. 1. f. 80.

(b) Vide Philol. sacram l. c. art. 4. can. 3.

§. 8.

Parabolæ variæ species sunt. Sunt enim vel didascalicæ (a) vel elencticæ (b) vel pædevticæ (c) vel epanorthoticæ (d) vel pa-

racleticæ (e), ita tamen, ut una sèpè parabola ad diversas referri species possit (f). Imò dantur & parabolæ propheticæ, de quibus deinceps.

- (a) Pertinet hùc parabola de seminibus in diversa loca sparsis Matth. XIII. 3. sqq. de bonis & malis in agro herbis ibid. comm. 24. sqq. 37. sqq. de grano finapis com. 31. sqq. de fermento comm. 33. de semine in agro sparso & inopinatos fructus ferente Marc. IV. 26. sqq.
- (b) e. g. de pastoribus non per rectam portam in ovium stabulum ingredientibus Joh. X. 1.
- (c) Vide Luc. X. 30. sqq. ubi de Samaritano, Judæo in viâ vulnerato opem ferente, Luc. XI. 5. sqq. ubi de amico vicino, noctu panes intempestivè postulante Luc. XII. 33. lqq. ubi de servis dominum redeuntem exspectantibus, Luc. XVI. 1. sqq. ubi de œconomo injusto, domini bonis sibi amicos parante agitur.
- (d) Spectant hùc e. g. parabola de infantibus Judaicis, ludentibus cum sociis, Matth. XI. 16. sqq. de servo, cui Rex ingens debitum remisit, qui vero à socio vile debitum asperè & severè exegit Marc. XVIII. 23. sqq. de Phariseo & publicano precantibus Luc. XVIII. 9. sqq. de ove, item nummo perdito & reperto, ut & filio degener, sed resipisciente filioque bona frugis Luc. XV. de diyite in gehennam delato Lazaroque paupere in Abrahami sinu recumbente Luc. XVI. lqq. & de ficu precibus vinitoris adhuc parumper toleratâ Luc. XIII. 6. sqq.
- (e) Confer hic e. g. parabolam de injusto judge, à viduâ precibus instanti, flagitante & urgente ad auxilium permoto Luc. XVIII. 1. sqq.
- (f) Haud spernenda hæc observatio est cl. Lœfieri in diss. de patrefamiliâs & operariis in vineâ p. 161.

§. 9.

Præmissis hisce, parabolas Biblicas & primò quidem eas, quæ in V. T. habentur, paucis recensemus. Pertinent hùc parabolæ 2. Sam. XII. 1. sqq. XIV. 5. sqq. 1. Reg. XX. 39. sqq. Jes. V. 1. sqq. Ezech. XV. 1. sqq. XVII. 3. sqq. XXIII. 1. sqq. XXXIII. 2. sqq. itemque visiones parabolicæ Jer. I. 11. 13. Ezech. I. VIII. IX. X. XXXVII. Amos VII. VIII. IX. Zach. I. 8. sqq. II. III. IV. V. VI. quales & Apocalypticæ sunt. Apologos, et si naturam parabolæ habent Jud. IX. 8. sqq. 2. Reg. XIV. 9. Zach. XI. 1. sqq. uti nec ænigma illud Jud. XIV. 14. (a) & apophthegmata Salomonis 1. Reg. IV. 32. historiasque & actiones emblematicas 2. Reg. XXII. 11. Jes. XX. 2. sqq. Hof. I. III. Ezech. IV. V. XII. XXI. XXIV. hùc non referimus (b). Num libelli sacri Ruth (c), & Jobi (d), item prophetia

phetia Jonæ (e), num & libellus Judith (f) uti & historiæ Susannæ, Beli & Draconis (g) parabolæ sint, disputatur. De Canticō Cantorum id certum est, licet explicatio dramatis hujus sacri & mystici varia sit (h).

- (a) De edulio & problemate Simsonis mystico eruditissima dissertatio exstat Theologi quondam Bremensis, Godefr. Jüngstii, Bremæ A. 1708. edita. Recenset ille primum Interpretum, ænigma hoc allegoricè explicantium sententias, atque, esse, qui per leonem prostratum diabolum, esse, qui Christum figuratum dicant, esse &, qui tentationes & afflictiones illo significari pertent, quæ sententia posterior Corn. à Lapide & Altingii fit, Vitrinam observ. L. 6. C. 21. Paulum conversum per leonem indigitatum velle, ipse deinde prostratum à Christo imperium Romanum gentile per leonem heic intelligit. Aliam nuper hujus ænigmatis solutionem mysticam dedit in Naziræo suo, cui infertus est Simpon literalis & mysticus, Amstelædami A. 1727. edito Bernh. Seb. Cremerus, Theologus hodie Harderovicensis, dignam sanæ, quæ attendatur. Hic postquam p. 325. sqq. Vitrinam refutasset, per leonem diabolum intelligendum ait, devictum à Christo, Simsonis antitypo, per parentes Simsonis Judæos cæcos, quibus ænigma Evangelii haud revelarit ille, per sponsam Philistæam Ecclesiam ex gentilibus collectam, per apes primos post victum Diabolum fideles & Christianos, per mel charismata Spiritus S. per convivium nuptiale regnum Dei, ad quod vocandas essent gentes, per septem dies septem periodos N. T. per vestes nuptiales gloriam Christianorum, & sic deinceps. Quæ nostra hic mens sit, paucis ediximus in dem kurzen Abrifs vom vvahren Christenthum p. 138. Qui plura nôsse voluerit, adeat peculiares dissertationes de hoc Simponiæ ænigmate à Frischmutho, Strauchio, Kirchmajero editas.
- (b) Confer hic A. L. Königsmanni disput. de emblemat. Prophetic. constitut. Kilon. 1712.
- (c) Ita existimat Herm. von der Hardt, libellum hunc effigiare historiam Simonis Hyrcani Patris, Pontificis item & Principis, in Ecclesiâ & Republiçâ Judaicâ eminentis. Vide Ænigmata prisci orbis f. 243. 321. Ipsa deductio nondum, quod mihi constet, prodidit. Sunt &, qui allegorias & typos hic querant. Ita Pontificii per Rutham Mariam Deiparam figurari putant, ali, uti Biermannus, vocationem gentium ad Ecclesiam & Christi despositionem hic typicè adumbrari existimant. Vide J. G. Carpzov. introd. ad libros Bibl. V. T. eosque historicos p. 200.
- (d) Ita Judæi in Baba Bâra, ita Junilius, Episcopus Africanus, ita Anabaptista antiquiores, ita Menétrierius, Jesuita Gallus de dramatis Musicis veterum & hodiernis, ita Clericus dans les sentiments de quelques Theologiens de Hollande sur l' histoire critique du P. Simon p. 274. sqq. quem refutarunt Witsius in diss. epist. ad Ulr. Huberum de Script. S. autoritate divinâ §. 23. p. 21. sqq. & Majus in sel. diss. 1. de Scr. S. §. 26. p. 43. sqq. Ita maxime cel. Hardtius, qui putat, autorem libri Jobi, Poëtam & Oratorem excellentem statum gentis Israëliticæ in Assyriaco exilio symbolis admirandis,

tragœdorum arte pinxit. Idem duodecim animalia terrestria Jobi C. XXXVIII. XXXIX. symbola duodecim urbium & popolorum proximè circa terram Israëliticam per omnes fines esse asserti, Jobique hippopotatum C. XL. 15. sqq. regni Egyptiorum symbolum esse putat. Vide Tomum I. in Jobum, maximè f. 244. sqq. 254. sqq. 498. & adde G. L. Asteri diss. numeram de hypothesi dramaticâ S. Codici illatâ §. 7. sqq.

- (e) Ita idem cel. van der Hardt vaticinia Jona in meras parabolas vertit. Quæ enim in primis capitibus de Jonâ in pisco dicuntur, de Manasse in exilium Assyriacum abducto & in urbe Lybon captivo explicat & preces Jonæ per preces Manassis pro libertate obtinendâ factas egressumque è pisco de Manasse è carcere liberato & in Judæam reduce exponit. Ita & , quæ Jon. III. IV. referuntur, de Josiâ Rege Judæ interpretanda censer, sub Assyriorum jugo libertatem desiderante, Phœnix & Cyaxare, Regibus Medorum Ninum obfitione claudentibus, quæ per cædem Phœnix a Chinaladano Assyrio factam solutâ impatiens Josias, novam spem de Nino per Cyaxarem (qui per ricinum Jona designatus putatur) evertendâ conceperit, vanam tamen & hanc, cum Indathyrus Scytha & Cyaxarem Ninum obſidentem fuderit, & sic, quemadmodum Josias misertus fuerit Cyaxaris fusi, ita Deus peccerit Nino delenda. Vide paſlim libellos hanc in rem compositos, quæ in ænigm. pisci orbis, ubi Jonas in historiâ Manassis & Josiæ repræsentatur, exstant. Alibi aliter ænigma hoc Propheticum explicatur, ubi Ninive in Samariam, Rex Ninive in Jeroboam II. carcharia seu cetus in Jona Mūſeum Samaritanum & Tarsus in Sardem transformatur, aliâ adhuc interpretatione adjectâ, quæ Jonas hic populum Israëliticum repræsentare dicitur, in exilium Assyriacum & urbem Ninum & Kir, symbola piscis vel carcharia, deportandum. Vide l. c. f. 243. sqq. Loca Matth. XII. 40. XVI. 4. Luc. XI. 32. ita exponit l. c. f. 254. *Jonam suo ævo Israëlitis pænitentiā nunciāisse Ninivitarum nomine*, atque ita & Christum Judeis pænitentiā nunciare velut Ninivitis ille aut veteribus Israëlitis. *Jonam Ninivitis aut Samaritanis impenitentibus proximum per Assyrios exilium denunciāsse*, sic & Christum impenitentibus Judeis ultimam per Romanos internectionem denuntiare. Sicut verò Jonas triduo commoratus fuerit in ventre piscis pro symbolo triduana sue commorationis aut functionis apud Samaritanos, ita & Christum tribus annis in Judæa, in medio terra Judeorum apud Hierosolymitanos versaturum & pænitentiā Judeis constanter nunciaturum fuisse. Quo pacto Christus Judeis signum aut symbolum illorum, quæ de Judaorum exilio diceret, quarantibus appostoliſſimè responderit: Gens hac Judaica, mala & adulterina, ut quondam Israëlitica tempore Jona signum querit, nec exitium ipsis annuntiatum admittit sine longis symbolis more Prophetarum, signum ergo & symbolum Iudei habento Jona sive Jonam Prophetam ipsiusve doctrinam & facta, habeant sibi ipſosmet Jona libros de exitio Samaritanorum Ninivitarum nomine, sciantque parem Judaorum fore fortunam, indici Judeis nunc exitium propinquum intra 40. annos, sicut olim per Jonam Samaritanis indictum exitium intra 40. dies. Pergit Vir doctus: De triduo sue mortis & sepulture Christum hoc loco immediatè & propriè non agere, ipsa fatorum comparatio quoad omnes partes subindicat. Neque enim Jonas triduo illo mortuus ut Christus

Christus, sed vivus oravit pro populo Israëlitico. Christus igitur triduum suæ functionis sive trium annorum ambitum vix multò longiorem fore denunciavit, quia Christum diutius non essent toleraturi sed maturrimè è medio sublaturi. Neque Christus triduo integro tribusve diebus & noctibus integris in se-pulcro fuit sed in tertium solum diem, nec nisi duabus iisque non integrus noctibus. Tribus vero annis integris & paulò ultra, tribus cum dimidio, vitam docendo apud Iudeos transfigit. Atque hæc omnia ita von der Hardt, quod existimat, literam in textu Jonæ pressam immanes absurditates involvere, maximè & hanc, quod Jonas in ventre ceti vivus supponendus sit. Cui quidem difficultati ita occurrit nuperimus in Jonam Commentator, Brandanus Henr. Gebhardi, Theologus Cryphisvaldensis, ut post Petersenium ad h. l. statueret, Jonam in mare projectum mox suffocatum mortuumque à ceto deglutitum esse, cum vero ab ipso rursus evomeretur, à Deo per miraculum in vitam revocatum fuisse, qui idem & historiam Jonæ totam typicè de Christo post mortem & resurrectionem suam per Apostolos gentibus pœnitentiam & remissionem peccatorum prædicante exponit. Vide Jonam ipius enucleatum p. 46. sqq. 89. sqq. 139. sqq. Unde & addit porrò, Jonam preces illas haud in ventre ceti, sed, postquam cetus illum evomuisset, & post resuscitationem suam fudisse. p. 63. sqq. Jam vero Hardtum hic refutaveret Biermannus, Olearius, Wolfius, maximè vero Jo. Henr. à Seelen in examine hypotheseos exegeticae de Jonâ enigmatico, quos autores laudat & hic cel. Walchius in exercitatione de variâ indole interpretum Scripturae sacrae C. 1. §. 11. p. 33. 34. Quod restat, historiam Jonæ fabulis penitus annumeravit Rabbinus ille Patavinus, cuius argumenta recententur in libello: recueil des pensées du Comte J. O. (Oxenstirn) sur divers sujets T. 5. p. 86. sqq. Rationes vero illius destructas vide in Bælii dict. hist. & crit. titulo *Jonas*.

- (f) Libellum Judith ob summas difficultates historicas heic occurrentes nec sanè solvendas in piam fabulam vertit Jo. Christoph. Aitopæus, Historicus olim Argentoratensis in meletemate historico, quo disquiritur, utrum narratio de Judith & Holopherne historia sit, an epopeia? & quod Argentorati A. 1694. prodiit. Lutheri aliorumque sententiam se hic secutum Vir doctus profiteatur. Ita nempe & H. Grotius sensit, & ante hunc Chyträus, Beroldus, Reinccius, ita & ex recentioribus in prolegomenis in Judith Jo. Alb. Fabricius. Difficultates historicas nec Rob. Bellarminus solvit, cui pec. exercitationem in historiam Judith heic opposuit Christianus Kortholtus, neque etiam, qui veritate historiæ Judithæ libellum Gallicum Parisiis A. 1690. scripsit novamque hic sententiam ferè dedit, Bernhardus de Montfacon. Confer hic, si placet, cel. Buddei hist. Ecclef. V. T. T. 2. p. 611. sqq.
- (g) Utique sane libellus fabulam oler. Confer Spanhemii disput. 10. de libris Apocryphis & cel. Buddei hist. ecclef. V. T. T. 2. p. 775. sqq. quicquid heic ajat cum Pontificiis Huetius in demonstratione Evangelicâ, prop. 4. eo loco, ubi de prophetiâ Danjelis differit.
- (h) Itaque epithalamium hoc Salomonum non est, uti putavere ii, quos in diff. de rectâ Theologie propheticæ conformatio p. 38. nominavimus, quibus & accensendus venit Jac. Basnagius in histoire du vieux & du nouveau Testa-

Testament p. 110. Neque verò & illud , uti cel. von der Hardt in ænigm. prisci orbis f. 243. statuit , historiam Jo. Hyrcani , Pontificis & Principis Iudei refert , quam sententiam refutatum in diff. epistolicā ivit J. H. à Seelen Lubecæ A. 1726. edita. De aliâ itaque eâque mysticâ applicatione quæstio est , ubi paucis monemus , à vero hic aberrare G. Arnoldum , qui sponsum , qui in hoc cantico celebratur , non esse Christum , quæ communis sententia est , sed spiritum sive hominem internum & sponsam cœlestem Sophiam dixit in dem poëtischen Lob- und Liebes-Sprüchen von der evvigen Weisheit nach Anleitung des Hohen-Liedes Salomonis , errare & Pontificios , quis sponsa illa Maria virgo est , errare denique & Coccejum cum sequacibus , qui futura Ecclesiæ fata cum septem periodis suis & Antichristo quoque & hereticis in hoc Cantico viderunt . Confer hîc Petri Joncourtii entretiens sur les différentes methodes d' expliquer l' Ecriture & de prêcher , de ceux , qu'on appelle Coccejens & Voetiens dans les Provinces unies , entr. 3. p. 268. sqq.

§. 10.

Ad parabolas N. T. nunc citato gressu pergimus. Mirum est , in Evangelio Johannis nullas inveniri parabolas (a). Itaque ex Evangelii Matthæi , Marci & Lucæ extrahendæ illæ veniunt (b). Apud Matthæum habentur XVIII. Ita quippe Matth. VII. 24. sqq. exstat parabola de domo petræ vel arenæ inædificatâ , quæ & Luc. VI. 48. 49. repetitur (c) , Matth. XI. 16. 17. de pueris in foro sedentibus , quæ & Luc. VII. 32. recensetur (d) , Matth. XIII. 3. sqq. de semine variis terræ generibus insito , quæ & Marc. IV. 3. sqq. Luc. VIII. 4. sqq. occurrit , ibidem comm. 24. de Zizaniis ab inimico bono semini immisitis (e) , comm. 31. 32. de grano sinapis (f) , quæ & Marc. IV. 31. 32. Luc. XIII. 19. XVII. 6. exstat , comm. 33. de fermento (g) , uti confer & Luc. XIII. 21. comm. 44. de thesauro in agro abscondito (h) , comm. 45. 46. de margaritâ (i) , comm. 47. de sagena in mare projectâ (k) , comm. 52. de œconomio è thesauro suo antiqua & nova proferente (l) , Matth. XVIII. 23. sqq. de injusto œconomio , cui Dominus remiserat omnia , qui verò conservo debitum exile remittere noluit (m) , Matth. XX. 1. sqq. de patrefamiliâs & operariis in vineâ (n) , Matth. XXI. 28. 29. de duobus filiis in vineam abire recusantibus , ibid. comm. 33. sqq. de vinitoribus œconomi , servos ipsius , denique & filium occidentibus , quæ & Marc. XII. 1. sqq. Luc. XX. 9. sqq. reperitur , Matth. XXII. 2. sqq. de Rege nuptias filio parante (o) , Matth. XXIV. 43. sqq. de œconomio &

ser-

servis vigilantibus (p), ubi & Marc. XIII. 34. Luc. XII. 36. sqq. con-
ferri potest , Matth. XXV. 1. sqq. de decem virginibus (q) & ibid.
comm. 14. sqq. de talentis à Domino servis concreditis , qualis &
Luc. XIX. 12. sqq. exstat (r). Marcus unicum saltem parabolam fo-
lus recenset C. IV. 26. sqq. de semine semel jacto sponte progerminan-
te (s). Lucæ denique soli XV. parabolæ vindicandæ sunt. Ita Luc.
VII. 41. 42. habetur parabola de trapezita debitoribus duobus debita
condonante (t), Luc. X. 30. sqq. de Samaritâ Judæo in viâ Hierichun-
tinâ vulnerato misericordiam exhibente (u), Luc. XI. 5. sqq. de ami-
co mediâ nocte ad panes commodandos requisito (x), Luc. XII. 16.
sqq. de divite in divitiis suis stolide sibi blandiente , Luc. XIII. 6. sqq.
de ficu sterili tandem excisa (y), Luc. XIV. 16. sqq. de magno con-
vivio , quod invitati recusavere , ibid. comm. 28. sqq. de ædificaturo
turrim & comm. 31. 32. de Rege in bellum ituro antea probè delibe-
rantibus , Luc. XV. 4. sqq. de ove & drachmâ perditis (z), ibid.
comm. 11. sqq. de filio perduto (aa), Luc. XVI. 1. sqq. de pruden-
tiâ œconomi injusti , ibid. comm. 19. sqq. (bb) de divite epulone &
Lazaro paupere (cc), Luc. XVII. 7. sqq. de servo voluntatem Do-
mini faciente , Luc. XVIII. 2. sqq. de viduâ ab injusto Judice precibus
auxilium impetrante (dd), & comm. 10. sqq. de Pharisæo , & publi-
cano (ee). Itaque in tribus hisce Evangelii XXXIII. parabolæ re-
censentur , quibus vel rationes regni cœlorum (ff) & œconomiae
divinæ cum hominibus vel officia fidelium explicantur.

- (a) nisi huc referas similitudines Joh. III. 8. 29. IV. 10. sqq. 35. sqq. quem po-
steriorum locum in diff. de operâ ministerii Evangelici adumbratâ sub emble-
mate collectionis , quæ fit tempore messis , Bremae A. 1719. exposuit Danj.
Gerdes , C. X. 1. sqq. XII. 24.
- (b) Sic parabolas Evangelicas uno fasciculo comprehendit Erasmus , libro pa-
rabolarum seorsim edito A. 1614. 12. Spectant & huc Levini Lemnii simili-
tudines & parabolæ A. 1626. 12. editæ , ut alios Autores à Lipenio in Bi-
bliotheca Theologica , voce *parabola* citatos taceamus.
- (c) Senus hujus parabolæ facilis est. Alii ad adagia verba hæc referunt. Vi-
de Schotti adagialia N. T. p. 21.
- (d) Hanc parabolam datâ operâ idiomate Belgico explicavit Jo. d' Outrein.
- (e) Nota , per *semen* hic non intelligi verbum Dei , ut aliás , sed fideles. Pa-
rabola hæc prophætica est , licet ad fata Ecclesiæ N. T. singularia nimis
pressè applicetur à Vitrinæ in explicatione hujus parabolæ §. 94. sqq.
- (f) Granum sinapis non est Christus , nec Evangelium , sed Ecclesia Christiana ,
quæ

quæ sensim & quidem à parvis valde initii ad immensum crevit. Et hec parabola suo sensu prophætica est. Vel fides hic intelligitur, quæ à parvis initii maximum subinde incrementum sumit. Vide Marckii syll. ad sel. textus N. T. exerc. 4. §. 12. p. 132.

- (g) Sunt, qui fermentum in bono, sunt, qui in malo sensu sumant. Illi per fermentum intelligunt Evangelium, cuius prædictio totum mundum pervasit. Hæc communis sententia est, quam & ad hanc parabolam sequuntur Melchioris, Vitringa & Marckius. Hi corruptionem Christianismi in doctrinā & cultu, quæ sensim sensimque totam Ecclesiæ pervasit. Ita van Til & Huyssinga in h. l. ita Teelmannus in explicatione hujus parabola, quæ exstat in ipsius commentario critico & Theologico ad Luc. XVI. p. 54. sqq. ita Görtlerus in lexico vocum typico-Prophetarum ad vocem fermentum, ita Theoph. Amelius sive Pet. Zornius in der Erörterung der dunkelsten Schrift-Stellen im N. T. P. 1. p. 461. sqq. qui & subinde per *τέια σάρτα* farina intelligunt Zosimum, Jo. Jejunatorem & Bonifacium III. id quod oppido contortum, rectè observante Marckio in sylloge diff. ad selectos textus N. T. ex 4. §. 13. p. 133. & H. Scharbau in parergis philosophico-theologicis P. 2. p. 46. Alijs argumenta utriusque partis æquale ferentur habent.
- (h) Thesaurus hic Ecclesia vera est, sèpius abscondita & invisibilis, vel doctrina Evangelii, quam illa profitetur. Vel Christus fuerit ille aut bona gratia & gloria, in agro Ecclesiæ invenienda. Vide Marckium l. c. §. 14. p. 1. 36. 37.
- (i) Margarita vel Christus est vel doctrina Evangelii, vel Ecclesia, vel salus per Christum parta. Vide Marckium l. c. §. 15. p. 159.
- (k) Per sagenam intellexerim Ecclesiæ visibilem, uti Huyssinga ad h. l. non verò verbum Evangelii, uti van Til & Vitringa ad h. l. qui & hanc parabolam non de judicio extreme sed de statu Ecclesiæ prospero adhuc futuro explicant, ubi boni à malis separandi & sic Ecclesiæ expellendi & inferno adjudicandi sint.
- (l) Hoc de V. & N. T. communiter explicatur, rectius de doctrinis fidei jam olim cognitis & nunc demùm clarius revelatis. Nolim hic cum Oleario ad scriptura sacræ literam & sensum spiritualem præcisè respicere, vel cum Ellnero vetera & nova uasa intelligere, quæ vel irregenitos vel regenitos significant.
- (m) Parabola hæc expositionem adjunctam habet. Mirus hic explicationis Prophæticæ, cum tamen parabola hæc prædictico-elencticæ sit, excessus est, quem committunt Nic. Görtlerus in systemate Theologæ Prophæticæ p. 542. S. van Til ad h. l. & C. Vitringa ad hanc parabolam putantes, per ὄφελέτην Romanum Pontificem, per conservum vel Patriarcham Constantinopolitanum, vel testes veritatis & Ministros Evangelii designari.
- (n) Haud dici potest, quam diversa sit interpretum in explananda hæc parabola mens. Ostendunt hoc maximè cogitata recentiorum Melchioris, Huyssingæ, Vitringæ, d' Outrein, Grænevvegen, Trilleri, Petersenii, anonymorum in dem Berlinischen Heb-Oppfern, Schrammii, Hasai, Hederichii,

richii , Ouseelii , Lœfieri , Moshemii , Gerdesii , quæ heic recensere nimis industria opus foret . Nos , qui in omnibus istis hypothesisibus difficultates observamus haud facile superabiles , existimamus , Christum parabolâ hâc inter Judeos notissimâ usum , eo saltem fine , ut ostenderet , nihil tanto- perè Deo displicere , quād genium illum mercenarium , quo acti homines , maximè vero Ministri Evangelii pro laboribus suis & bonis operibus mercedem ab Ipso poscant . Arbitrio itaque & gratia divina hoc in solidum esse relinquendum , nec Deo manus h̄c ligandas . Futurum aliás , ut , qui pri- mos fese existimant , ultimi evadant , imò gratiâ divinâ excidant prorsus , eosque ex tot vocatis solos sed paucos electos esse Dominoque probari , qui nihil deberi sibi existimant , sed omnia gratiâ ipsius velint referenda . Ita- que nihil speciale h̄c de operariis , de vineâ , de diversis vocationis ad operan- dum horis , de denario , de murmure determinandum censemus , et si cogi- tata homiletica omnium interpretum , quæ suâ subinde probabilitate fese commandant , haud prorsus rejiciamus multæque omnino applicationes h̄c utique fieri possint . Confer , quæ dudum hanc in rem scripsimus in diss. nova de pæcto inter Deum Patrem & Filium p. 8.

- (o) Nota , per hominem ueste nuptiali haud indutum , per ἑταῖρον Antichristum hic intelligi ab iis , quibus familiare est , parabolas in vaticinia vertere . Ita hic Melchioris , Vitrunga , d' Outrein &c. Mirum est , in eandem senten- tiā descendisse A. L. Königsmannum in diss. de homine ueste nuptiali non induto Kilonii A. 1711. editâ .
- (p) Nota , per servum , qui conservos plagis afflixit , comm. 49. intelligi à Vitrunga & aliis Pontificem Romanum .
- (q) Parabolam hanc ad tempus excidiī Hierosolymitani Hammondus , ad judi- cium in mundum , quod millennium Apocalypticum antecedit , van Til & Huyzinga , sed malè referunt . Prorsus enim ad judicium extremum spectat . Num decem virgines sint Italia , Gallia , Germania , Anglia , Helvetia , Belgium , Bohemia , Hungaria , Dania , Suecia , contra Grænevogenium & Vitrangam disquirit H. Scharbau in parergis T. 2. p. 47.
- (r) Et hanc parabolam propheticè explicat Vitrunga , mirisque modis , quid per unum , duo , quinque talenta intelligatur , determinat d' Outrein notatus capropter à Scharbavio l. c. p. 48. Confer hic potius L. H. Theringii diss. de benè administrando talento in Miscell. Lips. T. 7. obs. 154. p. 265. sqq. & diss. nostram alteram de pæcto inter Deum Patrem & Filium p. 12.
- (s) Parabolam hanc datâ operâ explicatum ivit Jo. d' Outrein in appendice ad parolas Luc. XV. de filio prodigo & Luc. XVI. de oeconomico injusto , lingua Belgica . Quid h̄c per semen intelligi debeat , ex Matth. XIII. 24. sqq. argui potest .
- (t) Confer hic cl. Russi harm. Evang. T. 1. p. 983. sqq.
- (u) Nota , peccare 1. qui hanc parabolam in historiam vertunt , quod à quibusdam factum , 2. qui eam de primo homine ex felice statu in infernum pro- lapsò interpretantur , uti Pontificii , quos hic refutat Franzius de interpret. Scr. sacræ p. 763. 764. 3. qui per Samaritanum Christum , per hominem à latronibus vulneratum populum Iudaicum , per latrones diabolos , per oleum

& vinum gratiam iustificantem & sanctificantem , per hospitium Ecclesiam , per hospitem Ministros Evangelii , per duos denarios V. & N. T. per id , quod amplius insumturus esset hospes , consilia Apostolorum privata intelligunt , uti Vitringa . Sunt hec cogitata homiletica , quæ scopum parabolæ haud feriunt . Nota 4. verba comm . 36. ita interpretanda esse : *quis horum trium tibi videtur proximi officio fuit erga eum , qui in latrones inciderat ?* Ex quo & prono nexu sequitur , vulneratum hunc , licer Judæum , Samaritanus quoque proximum fuisse , adeoque , proximum , qui amandus sit , esse quoque inimicum . Vid . cl . Rusii Harm . Evang . T . 2. p . 531. sqq.

(x) Hic per amicum peregrè advenientem Vitringa intelligit gentiles , per amicum panes petentem Apostolos , conversores gentilium , maximè Paulum , per amicum panes dantem Christum , per medium noctem tenebras spirituales , quæ tunc mundo incubabant , per tres panes gratiam Christi in tres mundi partes Matth . XIII . 33. erogandam . Ast quis non videt , gratis hac fingi ?

(y) Hanc parabolam datâ operâ lingua Belgicâ exposuit Jo. d' Outrein , qui idem & historiam illam de sicu sterili maledictâ Marc . XI . 12. sqq. in parabolam vertit & eadem ratione in illam commentatus est .

(z) Quæritur , num per 99. justos hic intelligantur justi saltem putativi & suâ saltem falsâ opinione tales vel re verâ justi aut beati in cœlis ? Prima sententia fine dubio præstantior est . Vide tamen Spanhemii dubia Evangelica P. III . p . 14. sqq. Hackspanii notas Phil. Theol. in Script . S. P. 3. p . 332. 333. Sauberti opera posthumâ p . 114. Marekii exercit. text . 32. p . 345. lqq. Fabricii Cod. apocr . N. T. P. 2. p . 572. & Bibl . Brem . Cl . 1. fasc . 2. num . 4. p . 99. sqq.

(aa) Duos istos filios , & natu majorem quidem Judæos , natu minorem vero gentiles designare putant Melchioris & Vitringa ad hanc parabolam & d' Outrein tum in explic . Belgicâ hujus parabolæ , tum in observationibus miscellaneis tractatui de Melchisedecho non Henoch affixis p . 163. sqq. E contrario filius prodigus populum Judaicum designat Driessenio & Creyghtono , cui hanc in rem pugna cum d' Outreinio intercessit . Torquentur hic omnia . Id quod & ex eo liquet , quod comm . 15. εἰς τὸν πόλισμαν Vitringæ Philosophi sunt , d' Outreinio Diabolus .

(bb) Hanc parabolam datâ opera illustrârunt Melchioris Opp . T . 2. p . 617. sqq. Lomejerus , Teelmannus , Vitringa , d' Outrein & quād maximè Ant . Driesenius , qui 1. illos refutat , qui per oeconomum principes populi Judæci , Sacerdotes , Scribas & Phariseos intelligent , citatos ad reddendas rations ob ministerium sacerdotum male gestum & per propriam conscientiam & per Joannem Baptistam & per Messiam ipsum , qui & fodere h. e. per opera iustificari nequierint & mendicare h. e. iustitiam Christi expetere noluerint , sed ad conciliandos populi animos & illi permiserint , non tantum olei & frumenti sacris templi impendere , & etiam populi obligationem , quâ adstringebatur legi , magnam partem solverint , ipsius favorem aucupantes , qui & ex illa Republicâ Judaicâ , illos in tabernacula sua receperit , 2. ita hanc parabolam exponit , ut aiat , parabolam hanc spectare ad publicanos , quales

& extiterint quidam Christi discipuli, hos ab Imperatore Romano ob malam administrationem removendos, tabulas deinceps, in quibus cujusvis facultates fuerint consignatae, mutavisse, ut post remotionem suam invenirent, qui ipsos reciperent. Prudentiam vero hanc laudasse non hominem illum divitem, qui sit Imperator Romanus, sed Dominum oeconomici, h. e. Procuratorem Iudeorum, qui itidem, uti publicani in minori, ita ipse in majori Cæsarem defraudaverit. Hæc Driesseni in diatribe de principiis & legibus Theologica emblematica, allegoricæ, typicæ & propheticæ p. 93. sqq. Jam & per æterna tabernacula Ecclesiam N. T. cum Teelmanno, Driessenio, aliis, & per amicos Apostolos intelligendos esse docuit Vir ingenuus, Jo. Pet. Grünenbergius in diss. ad h. l. Probabilius alii per amicos Deum & Christum quoque intelligunt, utpote qui soli in æterna tabernacula recipere possunt & charitate erga pauperes administratæ φίλοι redduntur Danij. IV. 24. et si heic juxta alios Angeli quoque intelligi possint, qui animas in celum deferunt Luc. XVI. 22. vel juxta communem interpretationem recipiunt vos explicari satis bene possit per recipiamini. Mira est B. P. Karlii sententia, per φίλας gentes esse intelligendas, Christum enim discipulis commendare, ut ex bonis Domini, lege videlicet ceremoniali & typicâ jam abrogatâ & terrâ Canaan jam relinquendâ (hæc enim per divitias iniquas vel male administratas intelligit) sanctiore prudentiâ lucrum faciant, nempe, ut his venditis h. e. abdicatis, pretium eorum sive internum valorem, h. e. τις πυρματην διλωσιν sibi comparatam dent pauperibus, h. e. predicent gentibus, eos cum gaudiis recepturis in cætibus suis sempitervis, è Judeâ, sicut anima è corpore mortuo emigrat, emigraturos. Vide Muſæum Bremense Vol. 1. P. 2. n. 1. §. 18. p. 209. 210. Sed quam frigida hæc sint, quivis videt.

(cc) Sunt, qui parabolam hanc non putent, sed historiam, parabolico modo propositam. Sed dissentient communiter Interpretæ. Autores/ huic spectantes recensuit cl. Wolfius in curis ad Evang. p. 701. qui & illos dat, qui parabolam hanc datâ operâ explicare & quibus saltem Grœnevogen atque Vitringam adjicimus. Mira circa allegoricam & propheticam illius explicationem Lomejeri, Teelmanni, quem & Vitringa hic sequitur, & Deusingii somnia in diss. de rectâ Theologicâ typicæ conformatio p. 24. sqq. recensuimus. Add. cl. Rusii harm. Evang. T. 2. p. 793. sqq.

(dd) In hanc parabolam datâ quoque operâ scripsit Jo. d' Otrein. Vide de balsam Gileads p. 163. sqq. Vitringæ Judeæ iusti sunt Imperatores Romani, vidua vero Ecclesia Christiana, qua à Constantino M. tandem exaudita dicitur. Sed & hæc explicatio frigidissima est.

(ee) Hic Vitringa per Pharisæum Judæos, per publicanum gentiles representari putat.

(ff) Nemo luculentius evolvit, quid regnum cœlorum in parabolis sit, Joanne d' Otrein in expl. parab. Luc. XVI. 16. §. 369. sqq. cui tamen addendus est Johannes Melchioris in fatis Ecclesiæ secundum parabolas selectiores ex Matthæo C. 2. p. 99. sqq. Uno verbo: Est Ecclesia N. T. & oeconomia

illa divina , qua Deus in gubernandā illā utitur . Phrasis est Judæis familiaris , qui vero per *regnum cœlorum* subinde & alia intelligunt , uti patet ex allegationibus à Lightfooto ad Matth . III . 2 . allatis , quas & repetit Læfridus in expl . parabolæ de patrefamilias & operariis in vineâ , ubi p . 121 . & sqq . confer .

§ . 11 .

Dijudicari ex his velim , num dentur quoque parabolæ historicæ . Scilicet inficiamur quæsitum , contradicente licet Glassio , qui Luc . X . 30 . sqq . XVI . 19 . sqq . veras historias referri putat (a) . Quod cum ita sit , quæritur porrò , quænam ergo parabolarum sint criteria distinctionis , ab historiis illas separantia . Respondemus , hoc tūm ex ipsa narratione maximam partem liquere , tūm ex additâ inscriptione παραβολῆς , & vocis παραβολῆς . Pauca exempla dubia videri possint , uti illa Glassii & Luc . XVI . 1 . sqq . Multum heic se torquet Guil . Saldenus , qui & ipse tamen dubium saltem parabolæ criterium adfert (b) . Nomina verò propria & in parabolis , uti in aliis fictionibus , poni posse , non video , quid impedit . Infamis verò impietatis specimen est , miracula Salvatoris in meras parabolas vertere , quod post Spinosam (c) nuper in Angliâ fecit Thomas Woolston , ad numellas eapropter (the pillory vocant Angli) meritò publicæ ignominiae expositus (d) .

(a) in Philol . sacrâ L . II . P . 1 . tr . 2 . sect . 5 . art . 2 .

(b) in otiis Theologicis L . 6 . exerc . 5 . de parabolis Evangelicis § . 7 . sqq . p . 699 . sqq .

(c) Certe Spinoza ea , quæ de resurrectione Christi in Evangelii exstant , allegorice saltem interpretanda existimat , ep . 23 . & 25 . ad Oldenburg . Ita & Deusingius Joh . V . 28 . de resurrectione mysticâ saltem explicat in Bibl . Brem . cl . 1 . fasc . 6 . n . 2 . p . 805 . refutatus ab H . C . Engleke pec . diss . Rostochii A . 1726 . editâ .

(d) tūm in libello , cui titulus *Moderator* , tūm in *various discourses upon the miracles of our Saviour in view of the present controversy between Infidels and Apostates London 1727 . 1728 . 8 .* Vide Armandi Cappellæ Bibliothèque Angloise T . 15 . P . 2 . p . 519 . sqq . qui optimo jure hâc occasione reprehendit Theologos , Historias quoque Biblicas allegorice interpretantes , quos & Capite sequente perstringemus . Woolstoni impietatem istam cum aliis graviter reprehendit & refutavit Reverendiss . Episcopus Londinenis , D . Gibson in epistolâ pastorali præstantissimâ ad Ecclesiæ Londinensem & Westmonasteriensem scriptâ , Hannoveræ Germanicè editâ p . 27 . sqq .

§ . 12 .

Jam & ex illis , quæ diximus , argui potest , num statuamus , dari parabolas propheticas . Scilicet dantur utique quædam , sed generali-

neralia saltem Ecclesiæ fata depingentes. Modus quippe h̄ic in rebus tenendus est & excessum vitare oportet, quo omnes ferè parabolæ in vaticinia vertuntur, omnesque parabolarum circumstantiæ secundum filium hoc propheticum explicantur. Sic peccarunt post Coccejum Abrah. Gulichius (a), Jo. Melchioris (b), Jo. Lomejerus (c), Jo. Huysinga (d), Henr. Teelmannus (e), Herm. Deuslingius (f), Sal. van Til (g), Henr. Grænewegen (h), Camp. Vitringa (i), Nic. Gürlerus (k), Jo. d' Outrein (l), Jo. Creyghtonus (m), Ant. Driesenius (n) alii, quibus ex nostris ferè Andr. Lud. Kœnigsmannus (o) addi potest, ut Petersenium (p) jam taceamus. Contrariam inter Reformatos viam iniere Saldenus (q) & Marckius (r). Ex nostris laudandi h̄ic sunt Henr. Scharbau (s) & Frid. Simon Lœflerus (t). Res ex ipsâ parabolarum inspectione patet. Sensus quippe propheticus non inferendus sed extrahendus est. Et opus est, sponte ut fluant omnia, rebusque violentia absit.

(a) in Theologiâ Propheticâ, de quâ vide introd. in hist. Theol. lit. P. I. p. 103.

(b) in fatis Ecclesiæ secundum parabolas selectiores ex Matthæo & in enucleatione parabolarum ex quatuor Evangelistis. Exstant in operibus, quæ Herbornæ A. 1693. 4. edidit God. Jungfius.

(c) Vide diss. de rectâ Theologica typicæ conformatione p. 24.

(d) in commentariis Belgicis in Matthæum datis & Hagæ Comitis atque Lugduni Bat. editis.

(e) Vide diss. de rectâ Theol. typicæ conformatione p. 24.

(f) Vide eandem ibidem.

(g) in commentario Belgico in Matthæum, qui primùm Amstelodami, postea auctione Dordraci prodit.

(h) Hic edidit den mond der opperste wylheyd geopend in de verborgentheden van onds af verzwegen ofte een nyttelinge van de vornaamste godlycke Geheimnissen voorkommende in de XIII. XX. XXII. XXIV. en XXVste Capitelen Matthei. Amsterdam 1686. 4.

(i) Hujus exstat Verklaring van de Evangelische parabolæ cum notis Jo. d' Outrein. Versio Germanica prodit Francofurti A. 1717. 4.

(k) Hujus explicatio vocum typico-Propheticarum & sistema Theologiae Profetice hic conferenda sunt.

(l) Hic parabolas Luc. XV. 11. sqq. XVI. 1. sqq. Matth. XI. 16. sqq. Luc. XIII. 6. sqq. Marc. IV. 26. sqq. Belgico idiomate explicavit. Editio secunda, ubi explicationem parabolæ de filio perditio contra Jo. Creyghtonum defendit, prodit Amst. 1699. 4. Habetur & hujus libri editio Germanica.

(m) Hic edidit naader onderzoek van de parabel van den verlooren Soon door een Liefhebber der Waarheyd. Franeker 1699. 4.

-
- (n) Vide hujus diatriben supra p. 19. citatam.
 - (o) in diss. de parabolis Christi propheticis , Kilonii A. 1708. editâ.
 - (p) Vide das Geheimnis der Widerbringung aller Dinge T. I. P. 2. n. 63. f. 53. sqq. ubi parabolas istas septem Matth XIII. de septem N. T. periodis ad analogiam septem Ecclesiarum Apocalypticarum explicat.
 - (q) in otiis Theologicis L. 4. exerc. 5. de parabolis Evangelicis §. 6. p. 698. 699.
 - (r) in sylloge diss. ad selectos textus N. T. exerc. 4. §. 20. sqq. p. 149. sqq. ubi Coccejum maximè , qui ad Matth. XIII. septem istas parabolas septem N. T. periodos repræsentare statuit , refellit & argumenta luculenta contra sensum harum parabolârum propheticum profert.
 - (s) in Parergis phil. theol. P. 2. diss. 2. qua agit de excessibus interpretationum propheticarum in explicandis parabolis. Hic vero maximè Jo. d' Outrein argumenta §. 9. p. 55. lqq. refellit , quæ in præambulo ad explicationem parabolârum de filio perduto & dispensatore iniquo proposuerat.
 - (t) in expl. parabolæ de patrefamilias & operariis in vineâ p. 156. sqq.

§. 13.

Scilicet ponendæ sunt regulæ (a), ad quas explicationes parabolârum exigere debet Interpres sapiens. Hæ vel generales vel speciales sunt. Generales : ad antecedentia & consequentia hîc respiciendum, eumque sensum eligendum , qui minimas difficultates patitur & suâ sponte , consideratis omnibus , in animum labitur. Speciales : in parabolis non ad omnes circumstantias sed ad id saltem , quod principale est, ad scopum nempe parabolæ attendendum eaque in explicatione haud vexanda , quæ ad décorandam saltem ornandamque parabolam pertinent scopumque non ferunt , nullumque alium sensum mysticum finendum , nisi qui expressè vel saltem satis clare ex verbis effluat. Patet hinc , quâ Theologia parabolica argumentativa sit , qui secus (b). Certè sensus mysticus (c) hîc nimis amplificandus haud est , ne quidlibet ex quolibet eruatur , quod nefas (d).

- (a) Conferri hîc merentur Glassius in Philol. sacrâ L. II. P. 1. tr. 2. sect. 5. art. 4. Dannhavverus in hermeneviticâ sacrâ p. 453. sqq. Gomarus ad Matth. XXII. Operum T. I. f. 81. & Saldenus l. c. §. 5. p. 697. 698. itemque Lœfle-
rus l. c. p. 156. sqq. Alia hîc dant Teelmannus l. c. p. 11. sqq. qui th. 7.
urget , omnium verborum in unaquaque parabolâ rationem habendam &
adaptationem ad sensum spiritualem ἀνεῖθως & enixè quærendam esse , Mel-
chioris in fatis Ecclesiæ secundum parabolas C. 1. d' Outrein & Vitrina in
libris citatis , qui tamen posterior in methodo homileticâ C. 3. §. 13. p. 64.
65. hîc parcior est.

(b)

- (b) Vide Glassium in Phil. sacrâ L. 2. P. 1. tr. 2. sect. 1. art. 3. can. 5. sect. 5. art. 4. can. 6. Saldenum l. c. p. 698. Teelmannum l. c. p. 22. & Pfeifferum in thes. herm. C. 3. can. 11. p. 170. maximè verò Calovium in Systemate loc. Theol. T. 1. p. 669. sqq. ubi contra Pontificios & Socinianos docet, Theologiam quoque parabolicam suo modo argumentarivam esse.
- (c) Sensus mysticus parabolæ declarat, quid per parabolam significetur, adeoque *παραβολής* sensus literalis est, licet in relatione ad *περιβολὴν* mysticus dici possit, rectè observante Glassio in Phil. sacrâ L. 2. P. 2. tr. 1. sect. 1. can. 3. n. 1.
- (d) Exempla ex Patribus, parabolas sic subinde interpretantibus collegit Danjel Whitby in diff. de S. Scripturarum interpretatione secundum Patrum Commentarios p. 196. sqq. 199. sqq. Qui plena hīc pocula anhelaverit, aeat Commentatores Pontificios in Evangelia, qui allegoricas illas parabolatum interpretationes & ex Patribus recensent & adoptant ipsi & augent.

CAPUT SECUNDUM DE RECTA THEOLOGIÆ ALLEGORICÆ CONFORMATIONE.

§. I.

Aληγορεῖα diversiloquium est, ubi aliud dicitur, aliud intenditur (a). Estque vel verborum, vel rerum. Illa est troporum, maximè metaphoræ continuatio (b). Hæc rei alicujus mysticæ per aliam in Scripturis sacris narratam eamque haud fictam repræsentatio (c). Patet hinc, qui differat illa à metaphorâ, à simili, à comparatione (d), hæc à typo (e), ab allusione (f), ab accommodatione (g).

- (a) Descendit enim ab ἄλλῳ & ἀ' γορεῖν vel ἀγωρεῖν estque aliud dicere eo, quod dicitur. Vide de etymologiâ vocis Jo. Marckium in syll. diff. ad sel. textus N. T. exerc. 25. ad Gal. IV. 22. sqq. §. 9. 10. p. 798. sqq.
- (b) Ita definitiū illam Rhetores. Vide G. J. Vossii instit. Orat. L. IV. C. 11. §. 3. Exempla ejusmodi allegoriarum sacrarum conglomeravit Glassius in Philol. sacrâ L. 5. tract. 1. C. 20.
- (c) Hæc Glassii definitio est, quam exemplis ex Luc. XVII. 31. 32. Rom. X. 18. 1. Cor. V. 7. 8. 2. Cor. III. 7. 13; 14. Gal. IV. 22. sqq. Eph. V. 31. 32. pro-